

諸城縣志

卷十一 卷十二 卷十三  
卷十四 卷十五

第三冊

風俗 方物 藝文 金石上 金石下

DS  
793  
S42C653  
1764  
v.3



University of Toronto

Library

e 867/b

ASIAN COLLECTION







鳳城縣志十

漢武帝曰生子當置之齊魯禮我之鄉而班史地理志以夸奢爲言其別有見乎隋書則稱其賤商賈務稼穡尊儒慕學得洙泗之俗宋史亦稱其樸魯純直重禮義勤耕紉蓋與武帝之論又同矣諸爲齊魯之一隅以今所見驗古所聞亦正有兩不相掩者冠禮廢久不獨一邑其婚姻則問名請期親迎合卺儀節畧備無復俟著俟堂之譏士夫之室深居簡出以守節爲常以再醮爲辱蓋家守列女之訓焉故年例合旌表者比比也喪葬則親友交助祭祀則宗族合行賦稅不煩官吏之催鄉



黨不享爵位之次齊民敬長吏如臨於神紳士恥庭訊  
若撻於市且十萬家詩書之聲達乎四境非皆禮義之  
遺意哉然喜華麗好賓客不斤斤爲衣食蓄積之計故  
每有所入不敵所出而稱貸以益之者漢書所謂夸奢  
斯豈其故俗耶然近年以來漸趨儉樸車馬衣服所費  
皆減於曩昔卽搢紳家居非大公事無乘輿張蓋者蓋  
國家治化日隆賢司牧轉移相繼故風俗之善者更進  
於善不善者亦漸趨於善也一變至道庶幾近之抑諸  
邑多山最近者爲常山最勝者爲九僊山古今來守令  
士夫所登臨也何人創立碧霞元君行宮以誑惑鄉愚



女巫乘人疾病而誘之四月八日九月望日遂爲香火  
盛會閭閻細民之婦奔走進香絡繹不絕此亦風俗之  
未善者所當嚴禁而亟止也至除夕守歲元旦賀節元  
宵燈火清明鞦韆端陽角黍中秋月餅重九登高冬至  
拜墓以至七月之望十月之朔皆行祭掃則近今以來  
隣邑所同故不詳錄

風俗考第八



風俗寺人

國色天香

祥慈氏生小民之望十日之慶會

育德大節神靈顯赫節節中輝日增重

未善修風俗顯赫節節中輝日增重

益會開開開開之敬奉我祖香

宜善修風俗顯赫節節中輝日增重



方物考第九

諸城縣志十二

古先王經理天下物土之宜而布其利有山川原隰之不同諸邑介青徐之交南北境皆平壤中爲古長城自西至東山勢綿亘不絕西北爲濰東南抵海故山川原隰之利皆可撮而言之平原所產穀爲先蔬果次之禽獸又次之草木又次之花藥昆蟲又次之穀有黍稷麥菽稻粱皆上品也長城之北宜粱南宜稻則風土有不同矣粱種類甚夥有白黃烏三色土人皆名爲穀去殼皆名爲小米稻有粳有糯有香稻其異於江南者彼水田此旱種與粱無異爾蜀黍稷二品爲下北境多蜀黍



石屋山北諸村落取其皮以織席南境多穆皆易生易  
茂且宜低田貧民賴之早種莫若豌豆晚獲莫若蕎麥  
脂麻尤貴重脂麻胡麻也棉雖非穀屬而製衣需焉其  
收輕故布亦少春秋成衣半仰給於北商麻收本不輕  
乃僅能爲綫爲繩不能織布則土俗之拙也蔬果同他  
邑而菘較大栗柿較多康熙閒多棗近年樹稍長則枯  
父老謂樹之瘋疾也果松青桐樹文而子可食白花百  
合花香根美則他邑不及文官果雖著名天下惜種植  
不多也安榴花單者實花雙者不實銀杏亦有實不實  
二種而樹多千霄縣西放鶴村一株尤大徐棚野田嘉



樹篇比之浮來云木瓜木梨海棠果並可爲案頭清供  
至藍家村之山藥黃埠嶺之西瓜則一方之尤美者五  
蓮山之拐棗齋堂島之海棗則一物之獨異者芋古名  
蹲鴟南瓜俗名飯瓜貧民多植隙地儲以禦冬可省菽  
粟之半近又有白藷來自閩粵從前所無今亦爲土產  
矣禽獸有家畜野生之別家畜不贅野生者獸少而禽  
多獸曰兔曰狼曰狐曰貓曰狸惟兔可飼狼狐貓狸雖  
皮亦有用不及塞產之溫厚也禽曰鶯一名黃鸝一名  
倉庚曰鵙鳩一名布穀一名反舌曰鳩曰百鴿曰似笙  
皆鳴能成聲者雉取之可食鴿畜之積糞烏鵲鵯鵪瓦



雀啄木鳥之類不足數矣又有非本邑所產而莫春來  
仲夏去其聲可聽者曰蠟嘴曰銅嘴曰黃雀其色可觀  
者曰竊脂頷下羽如朱曰菜花羽具五色曰靛花羽深  
翠曰拖白練拖紅練長尾色分紅白蠟嘴見本草竊脂  
見詩傳白練紅練見漁洋詩集其餘未見紀載而每歲  
自來如春燕秋鴻之信也芬子草生黑龍溝側爲蓑爲  
汗衫可取厚值木以柏爲貴柏以老爲佳用作棺槨久  
而不朽松有馬尾山產平原亦產有刺松刺綠如翠有  
檜土名麥粒松皆偕柏不凋者椿可牧野蠶成繭織紬  
與冰紈綺羅同值爾雅所謂檮繭也詳王仲威鉞暑窓



臆說益都孫文定廷銓南行記謂椿與榦爲一爾未深  
考耳楓紅葉可玩楊柳槐榆則爲室製器之材也南境  
河干多櫟柳長城南多竹雖不若江南產大海濱亦宛  
然淇澳矣江北花卉邑中畧備而梅花尤盛開後於江  
南其種之佳而富無多讓焉桂性畏寒本非江北土產  
而盆植頗多玉蘭藤蘿大者可成喬木文杏碧桃緋桃  
艷麗且出海棠之上丁香四種有大小白紫不同牡丹  
芍藥屢見蘓詩想見當年之盛今尙有數十種其色不  
一秋菊舊亦數十種今又有洋菊倍之梔子茉莉亦宜  
南不宜北猶稻與竹也叢花草卉繁不勝紀藥有多種



半屬草部平原少而山谷多其實利民用而種植之者  
紅花紫草大藍耳本草云出牛黃亦不數見昆蟲惟蠶  
能利民其次爲蜂邑非桑土樹多豁腹故蠶工有限絲  
成亦能絹而不能紬畜蜂者更寥寥蛺蝶則春花之點  
綴也此平原所產也山之產曰馬尾松諸山皆宜曰杜  
鵑花生九仙五蓮諸名勝三月花開照耀巖谷故俗名  
映山紅曰葛土人用以綑載亦不能織布辜負良材比  
麻尤爲可惜曰藥山民所采以鬻之藥賈者不一其少  
而獨佳者白玉山香附米五蓮山九節菖蒲其多而行  
遠者防風酸棗仁名醫別錄云石膏生齊廬山魏書地



形志云扶其縣有雲母山生雲母石今無采之者前志  
載龍膽草荆芥二種入貢今亦收折色矣曰山菜有見  
拳筆管龍鬚刺楸諸名曰山草可薪可苫曰山炭可禦  
寒而其利最久且大者曰山蠶蠶養於櫟與柞皆名不  
落樹樹生於山春秋兩次蠶老吐絲王汝如沛恂匡山  
集紀之甚悉織爲山紬雖不如椿紬之貴而衣被南北  
爲一方之貨禹貢壓絲卽此詳爾雅注及藥溪筆談或  
疑山繭之綫撚而多類不中琴瑟之弦不知山繭亦可  
繅絲但今縣人不能繅耳此山之產也海之產曰鹽曰  
魚管仲所以富齊也鹽用海水煎成竈戶視同土田魚



類不可枚舉且有鰕有蟹有蜃蛤有螺螄所謂海物惟錯也最大者鰵人不能取潮退自失水者骨可爲梁鱗可爲箕鬚末可爲筴最悍者沙皮有沙工人用以錯器故名其翅味美而猛惡噬人泅水者遇之必斃海上畏之號曰海狼最早者鯊又曰開凌鯊冰始泮卽可得也最少者鱖鯉脂肉相閒大者重數十斤漁人獲之以爲奇貨次黑牙海鱸魚也巨口四腮細鱗大者長二尺許最多者銀刀鮮肥無鱗次嘉麒似鯉季春偕鮐鱮白鯊黃鯛偏口重唇瓶嘴等羣至若網戶之秋收木桴被海商賈雲集逾月方罷不同秋冬閒鱉與鼈之稀也其奇



形怪狀者曰水鏹口在腹形如耕鏹曰烏則背負厚殼  
卽海螵蛸也腹藏水如墨可作字其蛋尤美曰八帶八  
足也山海經名八則曰海蛇大如牀無眼目腸腹以鰓  
爲目其貴而難致者曰海參曰鰓魚曰西施舌曰筆管  
蛭四種爲水族奇珍然海參蟄石底鰓魚附石崖善沒  
者入水取之西施舌筆管蛭皆藏沙中以碌礪壓沙灘  
視放沫處取之非若他魚可舉網得也河洲水禽有鳬  
鷗鴛鴦鷺鷥四種羽毛可愛其魚則小而不貴惟灘水  
出鰓色白味甘又出豸同海豸而差小其味皆無異江  
南之鱸長城南諸河出山鮐魚小而肥邱龍標元武柯



言方集元一  
村集內詠之是又不在海魚之下者此水之產也若匠  
採之山石陶成之瓦器雖一方日用所需然粗而不精  
故不復記

### 方物考第九

早



藝文考第十

諸城縣志十三

古謂人傑地靈不信然哉縣山川之秀著名東國然終古如斯非有改易乃人之生其閒者經學盛於兩漢詩集多在

國朝六朝三唐宋元以來著作何寥寥也蓋縣介南北之交東南復抵大海晉元宋高兩朝南渡世家巨族意或航海隨之所留者農夫野老而已且其地爲邊疆戰場重以慕容德李全之蹂躪于戈盛而弦誦衰其勢然也故雖以貞觀開元慶歷元祐之栽培而孫晟趙明誠夫婦之外無聞焉自明以還一統至今人擇善地以爲



居南北衣冠之族接踵而來故嘉隆而後科名日盛著作亦日多邱簡肅公其尤著者也我

朝文運丕興文教彌隆經學不少而詩集尤富丁野鶴開於前李漁村繼於後劉鏡菴徐栩野邱氏父子張氏兄弟皆分道揚鑣鼓吹休明而後起者且步武接武爲斯文之藪矣是豈盡關山川之秀與嗚呼人傑地靈不信然哉獨是志乘之體每摘錄詩文於後在武功志已不能免而近代則或裒然居卷帙之半矣然詩文之工者不翼而自行不脛而自走豈必藉是而後傳乎且物以罕而見珍僻陋之鄉商賈之區間有操觚屬簡者出



如一方之景星卿雲焉纂修者自急收於志以爲光寵  
縣自兩漢至

今經解古文詩稿雜著多至百餘種若皆剗剔以傳將  
汗牛充棟矣美旣不可勝收掛一漏萬無取也今倣史  
體但合縣人所著摭其書名卷數錄之於簡以見著作  
之富後之人按錄以求卽未付梓人者亦不至湮沒而  
無傳也作藝文考

漢王同易傳數篇

梁邱賀易章句二篇

伏黯齊詩章句解說九篇



言城縣志十三  
伏恭齊詩章句二十萬言

伏無忌漢記

不知卷

伏侯古今注八卷

南唐孫晟集五卷

宋趙明誠金石錄三十卷

李清照易安居士文集七卷易安詞六卷漱玉集一卷

打馬圖一卷

明邱樞四書摘訓二十卷禮記摘訓十卷奏疏二卷詩

文集二卷

陳燭僅存集四卷

張世則大學初義

不知卷

紹瑞史鑑

不知卷



丁自勸督蘆疏草一冊

王化貞普門醫品四十八卷產鑑

不知卷

痘疹全書

不知卷

陳其猷奏疏一篇饑民圖題跋一卷

張廷箴四書正解

不知卷

易經正解

不知卷

寶欽六行圖說一卷

王乘籙鍾仙遺稿一冊

王壇詳校痘疹書

不知卷

竇贊機錦雲堂詩稿一卷擇識錄一卷

國朝馮源清慎齋逸集二冊

馮世輦閩役集一冊粵役集一冊



譚成爻涓水老人集

不知卷

王勸易詁十卷周易三註十卷書詁六卷孝友齋文集

一冊

臧爾昌友鶴亭偶存草一冊

王鏐破夢齋詩草一冊

王斗樞秀野堂詩集二卷

王鉞世德堂文集二卷詩集二卷朱子語類纂十三卷

暑窗臆說二卷讀書叢殘一卷粵遊日記一卷星餘筆

記一卷水西記畧一卷

孫必振種德堂遺稿三卷



陸舫詩草五卷椒邱詩二卷江干

草一卷歸山草二卷聽山亭草一卷天史十卷西湖扇

傳奇一卷化人遊傳奇一卷蚰蛇膽傳奇一卷赤松遊

傳奇一卷

邱玉常書堂詩集

不知卷

邱中楚邨文集六卷詩集六卷

邱元復殿馨錄

不知卷

西軒草

不知卷

禮記提綱集解十二卷

邱元武邨遺稿八卷邱氏詩乘一冊

邱宗聖洗桐草一冊柴溪集十種

臧振榮太古園詩集一冊



丁豸佳周易述擬四卷鳴鶴集七冊

丁似穀歷代禋祥錄一冊大端亭遺訓四種一冊

劉翼明鏡菴詩選五卷

劉果十柳堂詩集一冊

李澄中卧象山房文集四卷詩集七卷賦集一卷滇南

日記二卷艮齋筆記八卷明史稿四冊

王忱四書辨疑錄三十二卷

李讓中荻畫齋詩集一卷

張衍漸山閣草四卷

張侗放鶴邨文集五卷其樓詩集一冊卧象山志一卷



酒中有所

一冊

張僚一柳堂詩集一冊

徐田栩野詩集八卷

李愔  
注解八卷

李廷琳春秋注解八卷

王咸炤雪舫詩稿一卷

竇長琰雙松樓詩稿二卷詞稿一卷

曹玉錫還樸齋詩鈔一卷

楊蕃分青山樓遺稿二卷

趙清  
雲集六卷



王翰東山草一冊

隋平半舫草一冊聖學同心錄一冊琅邪詩畧七卷

王沛思經進詩文章一冊

王沛恂匡山文集五卷詩集一卷

王樸松籟詩草一冊粵遊詩草一冊

王容昭襄陽省慈記三卷杭程寄懷三篇星沙程草四篇

李玠止蜀統傳奇二卷

臧琮鴻雪齋詩鈔一冊

張雯槐蔭集一冊



王爾翼孝經刊誤參解一卷

楊汝謙分綠亭詩稿二卷

李珽學易堂文稿一冊詩稿二卷

王欽福鳳山詩集二卷

高璿警泄堂文草一冊詩草二冊

張景初招鶴園詩集一冊

張映初東臯集一冊

張曜初退松軒詩集一冊

李文駒自怡集三卷讀書隨筆八卷說夢六卷

劉堯清歡堂詩一冊



言城集卷一三  
范廷楷奏疏三卷

王樞小匡廬集一冊

李龍文檢雲齋詩稿四卷詩餘一卷

王中孚念西齋文集二卷詩集四卷

釋海寔五蓮山志五卷

藝文考第十



金石考上第十一

諸城縣志十四

纂志乘而擲取風雲月露之辭以爲富俾覽者簸揚陶汰耳目督亂吾不知於志乘何裨也限以金石則付鈔胥災棗槲者不與焉而於古蹟有足以救其銷歇於建置有足以覈其原委於宦績人物有足以補史氏之闕訂承說之誤蘄於志乘有所發明焉耳矣元以前片石必采之石度以尺字度以寸雖無文不忍其久而沒也職詳也明以下決擇嚴矣取其有繫於故實者職要也吁殘碑缺齧更閱幾年或有羨今人幸及見之者而今之所謂近而不足寶者又有拂蘚而讀博爲徵引者矣



作金石考

秦始皇帝琅邪臺刻石 其文云維二十六年皇帝作  
始端平法度萬物之紀以明人事合同父子聖智仁義  
顯白道理東撫東土以省卒士事已大畢乃臨於海皇  
帝之功勤勞本事上農除末黔首是富普天之下搏心  
揖志器械一量同書文字日月所照舟輿所載皆終其  
命莫不得意應時動事是維皇帝匡飭異俗陵水經地  
憂恤黔首朝夕不懈除疑定法咸知所辟方伯分職諸  
治經易舉措必當莫不如畫皇帝之明臨察四方尊卑  
貴賤不逾次行奸邪不容皆務貞良細大盡力莫敢怠



荒遠邇辟隱專務肅莊端直敦忠事業有常皇帝之德  
存定四極誅亂除害興利致福節事以時諸產繁殖黔  
首安寧不用兵革六親保持終無寇賊驩欣奉教盡知  
法式六合之內皇帝之士西涉流沙南盡北戶東有東  
海北過大夏人跡所至無不臣者功蓋五帝澤及牛馬  
莫不受德各安其宇維秦王兼有天下立名爲皇帝乃  
撫東土至於琅邪列侯武城侯王離列侯通武侯王賁  
倫侯建成侯趙亥倫侯昌武侯成倫侯武信侯馮毋擇  
丞相隗林丞相王綰卿李斯卿王戊五大夫趙嬰五大  
夫楊樛從與議於海上曰古之帝者地不過千里諸侯



各守其封域或朝或否相侵暴亂殘伐不止猶刻金石以自爲紀古之五帝三皇知教不同法度不明假威鬼神以欺遠方實不稱名故不久長其身未沒諸侯倍叛法令不行今皇帝併一海內以爲郡縣天下和平昭明宗廟體道行德尊號大成羣臣相與誦皇帝功德刻於金石以爲表經此李斯所篆頌詩也石久泐據史記錄之按前志所載與此異者事已大畢前志作事祀之畢上農作尚農一量作以量舟輿作車輿明臨作臨明安寧作安平北戶作还戶與議作輿論三皇作三王知教作之教紀作記作常作常作內作宇昭明宗廟作路



寢極廟尊號作尊親刻作勒以爲表經作以爲經昌武  
侯下空一字至於琅邪下多列侯張晏曰列侯者見序  
十字或謂前志及見重刻拓本然異處多不可通如列  
侯張晏等十字恐卽錄史記注耳按張晏字子晏三國  
魏時中山人

書琅邪篆後 宋蘇軾撰其文云秦始皇帝二十六年  
初并天下二十八年親巡東方海上登琅邪臺觀出日  
樂之忘歸徙黔首三萬家臺下刻石頌秦德焉二世元  
年復刻詔書其旁今頌詩亡矣其從臣姓名僅有存者  
而二世詔書具在自始皇帝二十八年歲在壬午至今



熙寧九年丙辰凡千二百九十五年而蜀人蘇軾來守  
高密得舊紙本於民間比今所見猶爲完好知其存者  
磨滅無日矣而廬江文勛適以事至密勛好古善篆得  
李斯用筆意乃摹諸石置之超然臺上夫秦雖無道然  
所立有絕人者文字之工世亦莫及皆不可廢後有君  
子得以覽觀焉正月七日甲子記此蘇軾重刻秦篆跋  
也今亦久亡矣按都穆金薤琳琅云家藏宋莒公刻本  
僅十七字皆頌詩中語惜文勛摹刻旣亡無從取而對  
勘之于奕正天下金石志云鄒縣有宋人翻刻恐是以  
嶧山刻石爲琅邪耳



秦二世詔刻石石在臺上刻石也在臺

西偏南向以工部鑄造人計之石高丈五尺下寬六尺中寬五尺上半寬三尺頂寬二尺三寸厚二尺五寸今存者字十二行共八十四字字徑寸五分在石上半西側長人跂足探以手僅及之也第一行五夫二楊樛五字第二行七字第三四五行各八字第七行四字第八行八字第九行九字第十十一行各八字末行三字其文云皇帝曰金石刻盡始皇帝所爲也今襲號而金石刻辭不稱始皇帝其於久遠也如後嗣爲之者不稱成功盛德丞相臣斯臣去疾御史大夫二臣德昧死言臣



請具刻詔書金石刻因明白矣臣昧死請制曰可按第一行五字蘇軾所謂從臣姓名僅有存者也皇帝曰以下所謂二世詔書具在者也字皆了了可讀唯末行制曰可三字微剝蝕第十行金石刻史記作刻石大夫字凡兩見皆作夫二並與泰山詔書同趙明誠言之甚詳或謂據史記始皇刻石楊樛下尚有百三十字不應直接二世詔文然考二世元年春盡刻始皇所立刻石石旁著大臣從者名其爲二世所刻無疑非頌詩中間姓名也石色黝青紋理徹上下多成罅裂南面迸裂五分之一頌詩之所以亡也今存者罅裂又將迸裂乾隆二



十八年知縣宮懋讓束以鐵得不泐王士正池北偶談  
謂海中復有一碑去岸數里潮上則沒潮落則出其上  
歲久皆蠹房所結不可辨識此杜預峴山碑一沉山下  
之說也史冊不載誰與沒水求之以實其言者按秦刻  
石於山有六碣石自來無聞焉嶧山野火刻之棗木會  
稽刻石元申屠駟摸刻藏本耳之采詔語集古錄疑其  
僞金石錄辨其真然鑿石取置郡廨不過二十一字而  
已泰山刻石自宋劉跂刮摩垢蝕始得字百四十有六  
明吳同春遊泰山紀已曰僅存劉所云云之半迨後移  
置碧霞宮東廡則僅存詔書二十九字至乾隆五年六



月燬於火而天下之秦碑獨琅邪臺刻石尚存八十四  
字海岸負阻人跡不到故自明誠後金石之書不能知  
其存亡實似有鬼神捍禦焉者亦一奇矣順治間知縣  
程澐於石南面磨其迸裂痕刻長天一色四大字署名  
而隱其姓昔泰山磨崖有梁昇卿所書東封朝覲頌爲  
後來之好事者鑿毀過半而刻忠孝廉節四大字鐘惺  
以爲愚忍孰知秦碑亦遭厄如此哉人固有好名而借  
人之訕笑以傳者是可詫也

漢延光殘碑

康熙六十年修超然臺得自土中移置

縣治宅門外亦弗能珍也胥徒仆諸地坐焉受笞者必



踞是喘息碑盡沈非大雨不露字形乾隆十二年壽光  
知縣宮懋讓勘災至縣辨爲漢隸椎拓以去越二十七  
年懋讓來知諸城乃嵌於內堂之東垣構小亭護之而  
碑顯矣碑高三尺廣八四寸字徑二寸其五行行可二  
十字上半石泐字不可辨其下半之可辨者第一行七  
字琅邪字缺是吾字安都第二行五字維恩居廿年第三  
行二字都字缺男第四行七字子字缺長字缺業其功譽怛第  
五行十四字示好延光四年六月廿一日庚戌造碑有  
碁盤文字或長或短填其格無餘地其上橫小字三可  
辨者孔長二字則篆體矣蓋碑額也揣其文義似吏民



頌長官之辭而不辨何者爲姓字可惜也抑自來采金石者得漢碑如三代彝鼎而此碑獨晚出且年月歷歷可讀信夫物之晦顯不可測也

宋壽聖寺塔記 按碑塔建于天聖七年在白龍山寺

前碑嵌塔東南側高尺四寸五分寬二尺一寸八分字大小不一正書辭多鄙俚不知誰氏作也

重修常山神祠記 知密州吳奎撰其文云常山直州

之南二十里而近地志以爲祈雨而常應故名曰常山

山有神祠其來舊矣皇祐四年自正月不雨至於首夏

罄禱羣望靡獲應罷農嗟惶日益無聊奎也職憂維疚



斯省竊亮前載庶幾可復乃齋沐奔走懇請所謂常山  
神祠者太常博士知諸城縣事丁君實亞其獻司法參  
軍李綱醫學博士孟正己偕讀祝辭旣事偕升堂視棟  
宇頽墮敝甚曾霧露之弗禦也塵漏遺像闇然可傷因  
目丁君質於神曰三日雨足當新其廟是時微陰已結  
結而還散越晨濃陰四合徐徐汎灑午際漸闔乍明乍  
靄而纖風不動蒸潤鬱滋靈貺斯來嘉澍大作由輔達  
旦闔境周匝羣物甦醒類久病之頓愈妖嬈融結茂豫  
如也耕者歌於疆畝販夫喜於道中千里慘容一變喜  
氣卽涓吉躬親奠謝且踐所質顓任諸城尉袁保又幹



輯其役爲厝四面以繚落之闢門其陽直以獻室翼以東西序而膳食之所俱焉合西北陬而灑掃之所處焉凡創構二十有三楹而增葺之若力與材率自民出使以逸道雖勞罔怨祠旣成矣僉欲紀實尚永其傳爰稽祭法山川能出雲爲風雨者皆曰神有天下者祭百神諸侯在其地則祭之亡其地則不祭如常山者可謂神矣奉爲神祠參爲合禮廼祇羣心爲記刻諸石又刻祈雨謝雨文及詩一首於其陰俾密人千萬年嚴祀於神不怠是年八月二十日記碑亡詩文刻碑陰者不可見矣按文肅知密州先蘇文忠三十五年此文流傳不及



文忠諸篇安得好事者并勒之石當與孟杜毬門共傳也

東嶽天齊仁聖帝碑 廟在相州集東碑在廟東階南

向高五尺寬二尺五寸五分螭首篆額仁聖帝碑四字

徑二寸許甚完好碑字二十行正書字徑六分剝落者

十之八九其可讀者第一行十字東嶽天齊仁聖帝十

王<sup>缺二</sup>碑第三行二十字夫一氣<sup>缺二</sup>三才<sup>缺</sup>而清<sup>缺</sup>日星

則經<sup>缺一</sup>乎四<sup>缺</sup>皆各所主按道<sup>缺</sup>五第四行十一字中

嶽掌蠢動<sup>缺</sup>貧富之分悉不第五行八字至<sup>缺</sup>唐明皇

<sup>缺</sup>嶽中天王第六行十三字東嶽天齊王<sup>缺</sup>王<sup>缺</sup>天王



缺

人後代至我第七行四字大宋聖朝第八行十六字

真宗皇帝

缺

也

缺

其

缺

不怒之色均平兆姓與圓第九

行十七字穹齊德故田

缺

福祿

缺

州邨人物繁盛土壤

良沃第十行二十一字宮

缺

其民則一年四時就彼

缺

傳公流及此徒存一碑上

字缺

文第十一行二十字字其

紀曰太平興國寺

缺

伏觀

缺

立意可以紀年月可以第

十二行九字先

缺

今世之

缺

已夫俟後來第十三行四

字祈禱之感第十四行十八字祀

缺

甲午歲至和元祀

季冬

缺

二十日

缺

記

缺

匠人

缺

徐

字缺

石已下六行列名

可辨者共四十一字相州邨高直邨蓮池今仍其名又



有社官社正社乂功德主等稱姓名中有蓋瓊蓋準肖順者二姓今亦不經見矣

密州常山雩泉記

蘇軾撰其文云常山在東武郡治

之南二十里不甚高大而下臨城中如在山下雉堞樓觀髣髴可數自城中望之如在城上起居寢食無往而不見山者其神食於斯民固宜也東武濱海多風而溝瀆不留故率常苦旱禱雨於茲山未嘗不應民以其可信而恃蓋有常德者故謂之常山熙寧八年春夏旱軾再禱焉皆應如響乃新其廟廟門之西南十餘步有泉汪洋折旋如車輪清涼滑甘冬夏若一餘流溢去達於



山下茲山之所以能常其德出雲爲雨以信於斯民者  
意其在此而號稱不立除治不嚴農民易之乃斲石爲  
井作亭於其上而名之曰雩泉古者謂吁嗟而求雨曰  
雩今民吁嗟其所不獲而呻吟其所疾痛亦多矣吏有  
能聞而哀之答其所求如常山雩泉之可信而恃者乎  
軾以是愧於神乃作吁嗟之詩六章以遺東武之民使  
歌以祀神而勉吏云吁嗟常山東武之望匪石巖巖惟  
德之常吁嗟雩泉惟山之滋惟水作聰我民所噫我歌  
雲漢于泉之側誰其尸之涌溢赴節堂堂在位有號不  
聞我愧於中何以籲神神司其昧我職其著各率爾職



神不汝棄酌山之泉言採其蔬跪以薦神神其吐之九年四月癸卯朝奉郎尚書祠部員外郎直史館知密州軍州事騎都尉蘇軾記碑久亡元至元十九年山東東路經畧使司奏差前密州軍資庫監支納劉澄重建石匠盧伯川摹刻按本集與此異者禱雨於茲山本集無雨字十餘步作十五步斲作琢爲井下有其深七尺廣三之二八字之詩下無六章二字司其昧作尸其昧碑在常山祠前東向高六尺四寸寬三尺四寸七分正書字徑寸四分碑陰正書銜名字徑二寸許第一行將仕郎守諸城縣尉李師彥第二行將仕郎守諸城縣主簿



陳當第三行儒林郎守諸城縣丞初公佐第四行將仕郎守太常寺奉禮郎知諸城縣事李諤第五行承奉郎試大理評事充密州觀察推官周世長第六行安化軍節度推官承奉郎試大理評事張朝宗第七行第八行朝奉郎守尚書屯田郎中通判密州軍州事上騎都尉賜緋魚袋趙庾第九行第十行朝奉郎尚書祠部員外郎直史館知密州軍州事騎都尉借紫蘇軾

超然臺記

蘇軾撰其文云凡物皆有可觀苟有可觀

皆有可樂非必怪奇瑋麗者也餽糟啜醢皆可以醉果蔬草木皆可以飽推此類也吾安往而不樂夫所爲求



福而辭禍者以福可喜而禍可悲也人之所欲無窮而物之可以足吾欲者有盡美惡之辨戰乎中而去取之擇交乎前則可樂者常少而可悲者常多是謂求禍而辭福夫求禍而辭福豈人之情也哉物有以蓋之矣彼遊於物之內而不遊於物之外物非有大小也自其內而觀之未有不高且大者也彼挾其高大以臨我則我常眩亂反覆如隙中之觀鬪又烏知勝負之所在是以美惡橫生而憂樂出焉可不大哀乎余自錢塘移守膠西釋舟楫之安而服車馬之勞去雕牆之美而庇采椽之居背湖山之觀而行桑麻之野始至之日歲比不登



盜賊滿野獄訟充斥而齋廚索然日食杞菊人固疑余之不樂也處之朞年而貌加豐髮之白者日以反黑余旣樂其風俗之淳而其吏民亦安余之拙也於是治其園圃潔其庭宇伐安邱高密之木以修補破敗爲苟完之計而園之北因城以爲臺者舊矣稍葺而新之時相與登覽放意肆志焉南望馬耳常山出沒隱見若近若遠庶幾有隱君子乎其東則廬山秦人廬敖之所從遁也西望穆陵隱然如城郭師尚父齊桓公之遺烈猶有存者北俯濰水慨然太息思淮陰之功而弔其不終臺高而安深而明夏涼而冬溫雨澤朝風月之夕余未



嘗不在客未嘗不從擷園蔬取池魚釀秫酒瀹脫粟而食之曰樂哉遊乎方是時余弟子由適在濟南聞而賦之且名其臺曰超然以見余之無所往而不樂者蓋遊於物之外也熙寧九年三月三日東武西齋書按軾年譜熙寧九年嘗寫超然臺記寄李清臣其刻石與否無攷天下金石志云超然臺記蘇軾撰并書必有據元同知州事王鐸刻超然臺賦跋有云予自鎮陽來任是州登超然臺覽重刻坡僊超然臺記是當時刻石已亡所見乃重刻者耳重刻年月不傳亦久亡矣康熙五十八年知縣羅廷璋屬縣人張雯集軾行書勒石蓋碑凡三



易矣高三尺四寸寬尺八分字徑八分在臺上蘇公祠  
前楹下南向  
超然臺三大字石刻軾手書久亡按池北偶談云超  
然臺上舊有蘇文忠公三大字嘉隆間知縣顏某竊載  
歸而別以贗石易之述李澄中之言也乾隆二十七年  
修城得斷石高尺四寸寬二尺二寸斷痕宛然正書超  
字甚蒼勁字徑尺三寸許蓋橫書三字之一也今置臺  
上餘二字不可得真贗蓋不可知果贗則顏與歸舟載  
石者異矣

蘇轍超然臺賦其文云子瞻旣通守餘杭三年不得



代以轍之在濟南也求爲東州守旣得請高密其地界於濰海之間風俗樸魯四方賓客不至受命之歲承大旱之餘孽驅除螟蝗逐捕盜賊廩卹饑饉日不遑給幾年而後少安顧居處隱陋無以自放乃增治其城上之故臺口與其僚覽其山川而樂之以告轍曰此將何以名之轍曰今夫山居者知山林居者知林耕者知原漁者知澤安於其所而已其樂不相及也而臺則盡之天下之士奔走於是非之場浮沉於榮辱之海囂然盡力而忘返亦莫自知也而達者哀之哀者非以其超然不累於物故耶老子曰雖有榮勸燕處超然嘗試以超然



命之可乎因爲之賦以告之曰東海之濱日氣所先歸  
高臺之凌空兮溢晨景之潔鮮幸氛翳之攸霽兮逮朋  
友之燕閒舒堙塞於遙望兮放遠目於山川設金罍與  
玉尊兮清醪潔其如泉奏絲竹之憤怨兮聲超越而渺  
綿下仰望而不聞兮微風過而激天曾陟降之幾何兮  
棄溷濁乎人間倚軒楹以長嘯兮袂輕舉而飛翻極千  
里於一瞬兮寄無盡於雲烟前陵阜之洶湧兮後平野  
之漶漫喬木鬱其蓁蓁兮興亡忽兮滿前懷故國於天  
末兮恨東西之嶮艱飛鴻往而莫及兮落日耿其西墮  
嗟人生之漂搖兮寄流枻於海堧苟所遇而皆得兮遑



既擇而後安彼世俗之私已兮每自予於曲全中變潰  
而失故兮有驚悼而汎瀾誠達觀之無不可兮又何有  
于憂患顧遊宦之迫隘兮常勤苦以終年盍求樂於一  
醉兮滅膏火之焚煎雖晝日其猶未足兮候明月乎林  
端紛旣醉而相命兮霜凝磴而蹢躅馬躑躅而號鳴兮  
左右翼而不能鞍各分散于城邑兮值清夜之旣闌惟  
所往而樂易兮此其所以爲超然者邪元大德四年秋  
九月望日承事郎同知密州事兼管本州諸軍奧魯王  
鐸刊石石高二尺二寸寬三尺二寸正書字徑八分今  
嵌臺上西廂壁南向據鐸跋語前此似未嘗刻石者按



軾書子由賦後云精確高妙殆兩得之同時賦者有文  
與可李邦直又書邦直賦後云邦直之言可謂善自持  
者矣故刻于石以自儆書與可賦後云其遠遊大人之  
流乎以是考之諸公賦成必併刻諸石其再過超然臺  
詩有云超然置酒尋舊迹尚有詩賦鑱堅頑是當時刻  
石之證皆沉湮久矣

蓋公堂記熙寧九年蘇軾撰其文云始吾居鄉有病  
寒而欬者問諸醫醫以爲蠱不治且殺人取其百金而治  
之飲以蠱藥攻伐其腎腸燒灼其體膚禁切其飲食之  
美者朞月而百疾作內熱惡寒而欬不已纍然真蠱者



也又求於醫醫以爲熱授之以寒藥旦朝吐之暮夜下  
之於是始不能食懼而反之則鍾乳烏喙雜然並進而  
癰疽癰疥眩瞤之狀無所不至三易醫而疾愈甚里老  
父教之曰是醫之罪藥之過也子何疾之有人之生也  
以氣爲主食爲輔今子終日藥不釋口臭味亂於外而  
百毒戰於內勞其主隔其輔是以病也子退而休之謝  
醫卻藥而進所嗜氣完而食美矣則夫藥之良者可以  
一飲而效從之朞月而病良已昔之爲國者亦然吾觀  
夫秦自孝公以來至於始皇立法更制以鑄磨段鍊其  
民可謂極矣蕭何曹參親見其斲喪之禍而收其民於



百戰之餘知其厭苦憔悴無聊而不可與有爲也是以一切與之休息而天下安始參爲齊相召長老諸先生問所以安集百姓而齊故諸儒以百數言人人殊參未知所定聞膠西有蓋公善治黃老言使人請之蓋公爲言治道貴清淨而民自定推此類具言之參於是避正堂以舍蓋公用其言而齊大治其後以其所以治齊者治天下天下至今稱賢焉吾爲膠西守知蓋公之爲邦人也求其墳墓子孫而不可得慨然懷之帥其言想見其爲人庶幾復見如公者治新寢於黃堂之北易其敝陋達其壅蔽重門洞開盡城之南北相望如引繩名之



曰蓋公堂時從賓客僚吏遊息其閒而不敢居以待如公者焉夫曹參爲漢宗臣而蓋公爲之師可謂盛矣而史不記其所終豈非古之至人得道而不死者與膠西東並海南放於九仙北屬之牢山其中多隱君子可聞而不可見可見而不可致安知蓋公不往來其閒乎吾何足以見之碑久亡明萬歷二十七年知縣顏悅道重勒石高四尺八寸寬二尺四寸五分正書字徑九分在縣治內東倉前西側東向

膠西蓋公堂照壁畫贊

蘇軾撰其文云陸探微畫師

子在潤州甘露寺李衛公鎮浙西所留者筆法奇古絕



不類近世子爲甘露寺詩有云破板陸生畫青猊戲盤  
跚上有二天人揮手如翔鸞筆墨雖欲盡典刑垂不刊  
者也熙寧九年十一月十五日命工摹置膠西蓋公堂  
中且贊之云高其目仰其鼻奮髯吐舌威見齒舞其足  
前其耳左顧右盼喜見尾雖猛而和蓋其戲置之高堂  
護燕几啼呼顛沛走百鬼嗟乎妙哉古陸子

山堂銘 蘇軾撰其文云熙寧九年夏六月大雨野人  
來告故東武城中溝瀆圯壞出亂石無數取而儲之因  
守居之北墉爲山五成列植松柏桃李其上且開新堂  
北向以遊心 出意焉其銘曰誰哀斯堅土伯所儲潦流



年  
密州通判廳題名記  
蘇軾撰其文云始尚書郎趙君  
成伯爲眉之丹稜令邑人至今稱之余其隣邑人也故  
知之爲詳君旣罷丹稜而余適還眉於是始識君其後  
余出官於杭而君亦通守臨淮同日上謁辭相見於殿  
門外握手相與語已而見君於臨淮劇飲大醉於先春  
亭上而別及移守膠西未一年而君來倅是邦余性不  
慎語言與人無親疎輒輸寫肺腑有所不盡如茹物不  
下必吐出乃已而人或記疏以爲怨咎以此尤不可與



深中而多數者處君旣故人而簡易疎達表裏洞然余固甚樂之而君又勤於吏職視官事如家事余得少休焉君曰吾廳事未有壁記乃集前人之姓名以屬於余余未暇作也及爲彭城君每書來輒以爲言且曰吾將託子以不朽昔羊叔子登峴山謂從事鄒湛曰自有宇宙而有此山登此遠望如我與卿者多矣皆湮滅無聞使人悲傷湛曰公之名當與此山俱傳若湛輩乃當如公言耳夫使天下至今有鄒湛者羊叔子之賢也今余頑鄙自放而且老矣然無以自表見於後世自計且不足而況能及於子乎雖然不可以不一言使數百年之後得此文



於頽垣廢井之間者茫然長思而一歎也按已上三篇皆無碑刻可考頽垣廢井之間屬筆時早計及此今無其器存其辭如公文又不借金石壽矣

喬禹功等題名石刻 石高尺八寸圍二尺八寸質甚璞中藏巖壑皆曰太湖石然不類石背鐫三行九字字徑寸八分書左讀之曰禹功傳道明叔子瞻遊王士正云遊字下有軾字誤也亦猶山東通志云石高一丈許耳士正又云坡書遍天下而八分僅見此石按禹功喬敘字明叔趙杲卿字皆密州人傳道姓章軾其名軾與友善自杭至密皆在幕中喜雨次韻所稱先生筆力吾



所畏蹙蹙鮑謝跨徐庾者也三人字在前而子瞻殿之  
故知爲子瞻書石久埋沒土苴明萬歷十九年縣人陳  
燭以告知縣甯嘉猷伐石爲臺庋置明倫堂前夫公之  
愛石奚減奇章公哉一仇池也形于詩者屢焉山堂亂  
石此或其存者耶公手書碑刻俱盡而此石獨存摩挲  
手澤亦大海一勺矣

大觀聖作之碑 大觀二年御書詔旨書學博士李時  
雍奉勅摹寫碑文爲天下郡邑通行者故不錄碑高九  
尺寬四尺行書徑寸在大成殿前東向碑額爲蔡京正  
書剝落如畫圖中怪石矣



常山祠大觀殘碑 在祠門外西偏北向石已泐其存

者高六尺八寸寬二尺七寸中開剝落無字上截可辨

者橫四字迹庶錫加文凡六行第一行一字奉第二行

四字勅如右缺一字到第三行六字大觀四年十二第四行

二字侍中第五行五字尚書左僕射第六行六字知樞

缺一字院事兼權下截約可十五行可辨者第一行二字可

侍第二行一字勅第三行三字付使施第四行三字此

施行第五行二字勅上第六行二字奏據第七行四字

雨雪知郎第八行四字本州真本第九行七字潤民公

廟缺一字保奏置第十行七字賜加缺一字本司審缺一字實尋第十



一行七字寺勘當據本寺缺一字依第十二行十一字擬靈

濟王本部欲依太常寺第十三行四字事理施行第十

四行五字揮仍連缺一字狀缺一字奉第十五行七字特封靈濟

王庶缺一字朝上截字徑寸下截字徑八分皆正書當是加

封常山神勅文及當時請封之辭也

宮苑副使趙公墓志銘 其文云宋故銀青光祿大夫

檢校右散騎常侍御史大夫宮苑副使荆湖北路駐缺一字

兵馬都監兼知鼎州缺一字州管內勸農兼缺一字州界沿邊缺一字

都缺一字使輕車都尉缺一字縣開國男食邑三百戶趙公墓志

銘將仕郎缺一字知制誥缺一字編修中書缺一字兼檢武缺一字事缺一字兼



判字缺

農字缺

撰公諱

字缺

字宗

字缺

曾大父鈞大父廷紹世家

密州之諸城爲著姓父淵常舉明經至公與兄

字缺

進士

第

字缺

官至尚書駕部員外郎公起家

字缺

州慶義軍判官

字缺

監

字缺

州商稅杭州酒務遷著作佐郎秘書丞知

字缺

州

之江

字缺

眉州之青神縣以太常博士通判邢州

字缺

簡肅

公留守北京薦其材可任武事改內藏庫副使

字缺

明堂

恩遷宮苑副使辟爲大名府路兵馬都監嶺南

字缺

學士

李

字缺

之官荊州請公爲荊湖北路駐

字缺

都監兵罷

字缺

兼

知鼎州鼎

字缺

接溪洞擇材試之

字缺

武大吏爲守臣

字缺

公

始

字缺

未行而公卒於荊州矣享年五十八皇祐六年五



月二十三日也公慷慨有志節字缺一吏事無劇易處之有

餘裕青神縣有皂民訟久不直公字缺一辯而俾字缺一入籍豪

右之家得字缺一丁繇數以及貧民之役縣人相與詠歌之

大臣有欲薦公爲御史後又欲以爲提點刑獄公皆辭

不就性樂施予字缺一其兄字缺一其字缺一盡其道未嘗以生事爲

意也母齊氏福昌縣太君夫人弭氏子男三人長晉卿

資州盤石縣令次徽卿開封府開封縣尉次端卿澧州

軍事判官女三人孫男四人字缺一一人公之子以熙寧四

年九月二十五日奉公與夫人之喪葬於諸城縣之盧

山鄉諸字缺一保王滿邨而徽卿嘗與子仕同郡述公之行



如此以來請銘予不得辭銘曰代爲聞人孰謂之窮有

韞無施孰謂之通

缺一字

材韜奇莫窺其中維傳無窮

缺一字

幽

宮姪孫晏書并題蓋孫閏刊按此碑自乾隆六年大水出於王璠邨東北碑所云王滿邨也其墓之爲壑久矣碑高三尺六寸寬二尺三寸曹陣邨民某攘以爲塋中俱石懼人知之椎鑿無完字字徑六分正書不可辨者七十九字其可辨者秀勁如唐人殊可珍也額十一字徑四寸亦正書趙公失名而存其子之名於時有趙杲卿者或其族子歟公以失名不入傳故備載之碑今移置超然臺上



前密州節度使吳太尉神道碑 吳太尉墳見古蹟考

碑仆地無一字僅額有此十二字字徑三寸正書作三行父老相傳有及見其文爲至正四年者按密州節度使元無此官而太尉之銜宋金元皆有之或宋臣仕元而書舊銜或其子孫於元時追書舊銜皆不可考姑依前志列之宋人呼予考古蹟冢墓之無考者多矣獨太尉與

金密州修學碑 正隆三年高密令王堪撰其畧云粵

自祖宗以先聖五十代孫襲封衍聖公肆我主上爰頒儀制凡職官到任並先謁奠先聖廟庭命襲封給七品



俸廩追崇嚴奉德也罷黜百家詔以五經三史訓  
迪學者限爲三歲之制先是貞元中省曹承上德意念  
郡國宣聖廟像有敝毀者委部使者完繕而四方之遠  
郡將或不知儒術方以簿書期會爲功鉤鉅聽察爲明  
視文教爲迂緩而不切故雖有良法美意舉而行之又  
存乎其人東武鄉校宣聖廟素稱壯麗罹兵火躡躒青  
衿散而之城闕翬宇毀圯掃地無餘惟殿僅存鞠爲兵  
居副樞景國張公暉擁節是邦始鼎新之堂齋廊廡賓  
館庖次無不嚴飭然一時重役者務急近自公去未兩  
周星而寒暑隨敝歲在甲戌復次繕修獨殿宇以工倍



費廣猶憚爲之當正隆之明年節副張公天宇乃援舉  
貞元故事請於計司得錢四十萬且捐已俸以倡僚屬  
而鄉士大夫樂助其成又得錢四十萬委諸城令畢少  
曾督視於是易腐以完易敝以新易撓折以堅好易黝  
昧以絢采危瓦易以縹級甃易以石虹梁華棖中函外  
騫增飾像設日角月準與顏孟十哲並按圖孔肖冠章  
合度座榻儲胥金碧璀璨舊繪從祀於廊壁風雨漫剝  
不可以久是役也乃易以縑素離爲九十八軸標裝題  
識以永奉祀翼翼鱗鱗如在闕里而侍杏壇也凡費錢  
一百五十萬有奇直學孫華以家貲悉補其全經始於



三年二月丙申訖工於八月己丑於其成大合樂以落之猗歟盛哉學正董知默學錄臧腹謁記於堪堪竊考祭義耕必祭先農桑必祭先蠶食必祭先飯以至孟月皆祭其先凡以報本不忘始也矧學校之大可不知所本乎古者凡立學必先釋奠於先聖先師禮也唐貞觀中以孔子爲先聖顏子爲先師詔州縣立孔子廟以左邱明等二十有二人皆配享開元中詔十哲爲坐像圖七十子及二十二賢於廊封先聖以王爵配享從祀爵有差宋祥符中又加至聖之號列戟錫樂祭曰中祀用王者禮巍然端座自天子而下北面拜跪豈非萬世之



師道大德隆歷代尊崇禮宜然歟昔魯僖當春秋搶攘之時獨能修泮宮詩人合天下之公論而形容於頌與商周匹休是知學校人材之所成而歌頌之攸歸也陸令之爲衡山一縣宰耳以能修廟學杜子美作詩以嘉之鄴侯之爲處州一列郡耳亦以能修廟學韓退之作歌以記之二子治績於汗青無述特以修崇廟學至今皖皖在人耳目以子美退之歌詩之傳也公下車首以學校爲意其爲政可謂知所本末先後矣堪誠固陋姑採邦人公願作爲頌詩以播厥美其詞曰嗟嗟元聖萬世之師薄海郡縣春秋祀之事有興廢直惟其時密之



廟學閱時不治景公之來補敝起墜周施旁達纖悉具  
備自公之去曾未二紀惟是殿宇寒暑隨圯第第相承  
莫克料理誰其修之繼有張公公初戾止有蹙其容曰  
茲政體敢有不恭請於計司鳩材慮役棟宇崢嶸煥然  
金碧翼翼巍巍可以妥祀乃肖貌像乃繪衣章以瞻以  
儀德音不忘士氣以振濟濟洋洋二公崇城前後施設  
密人歌之罔閒稚耄我掇其詞以驗來哲碑亡據前志  
節錄之縣修葺學宮其可考者以此碑爲權輿焉  
壽聖禪院部牒碑 在李丈集東洪禪寺殿西仆卧高  
四尺寬二尺三寸字大小不一正書其第五行勅壽聖



禪院肆至東至砂嶺南至官路西至李丈鎮北至河第  
六行大定四年四月碑刻於明昌三年也

銅鐘範文 其文云大定十三年十二月十七日密州  
僧正司鑄鐘高四尺一寸五分圍六尺九寸厚一寸今  
懸雙門上夫金石必兼碑闕鼎彝之文乃備鐘雖無銘  
其年月古矣僅石而曰金石秦詔云然矧有此鐘耶

金石考上第十一



金石考下第十二

諸城縣志十五

元演公大師塔銘 至元十三年造廬山寺西有四塔  
此塔在北隅東南向石高二尺一寸凡八面面寬六寸  
其文循環書凡十九行行十五字字徑七分正書末有  
鄉官姓名趙禧趙興趙祐或宋宮苑副使之裔乎副使  
墓志廬山鄉也

堅公院宰壽塔銘 在演公塔南南向製如之高減其  
三寸字闊其三分塔之建也後其三年

重修興國禪院碑 至元十七年青社圓明嗣祖月溪  
福和撰前密州判官劉鑄篆額營兵釋徒李源興正書



在縣西南高相邨西寺內東階西向高六尺五寸寬三尺四寸字徑寸文辭浩瀚爾時碑尠有及者碑陰有釋衆宗派圖

重修永慶禪院碑 至元十七年釋惠湛撰并正書在

縣東南後河邨寺門外西向高五尺四寸五分寬二尺八寸五分字徑八分辭甚俚其稱鄉官曰某官人鄉官婦女曰某大姐

重刻雩泉碑記 至元十九年密州學正宋革撰并正

書其畧云蘇公手書雩泉記刻石於常山後學奉爲楷

範元祐間毀於兵火前通判定陶缺一字達命工重刻以椎



拓之衆今石裂而字復滅矣郡守藥那俾劉澄重謀立石澄官居東武有齒有德樂從所命於是鳩金伐石再新摹刻縣尹朱節命革記之按所重刻碑已見上卷刻手雖劣而精神弈弈望而知爲蘇書也碑高三尺寬二尺九寸字徑寸在常山祠前西偏北向碑陰列出金諸人多不書名有爵者曰某姓某官有提領提控博士庫使倉使千戶百戶等稱或曰某大夫某官人又有書行次者曰某姓幾公幾郎幾哥其行列先官吏次在城居人次各鄉自第一鄉至第八鄉今不復知八鄉之先後矣



常山禱雨謝雨碑 至元二十年同知益都路總管府

事趙文昌撰宋革正書碑嵌常山祠前香火亭壁東向高二尺六寸寬如之字徑八分革跋語稱文昌爲路同趙君明叔先生是又一趙明叔矣

鄭成先塋碑 至元二十一年前漕貢進士密州學官宋革撰正書其畧云郡之北巴山之陽鄭家莊有古塋後遷郡之西南二十里朱章邨於住宅三百步外巽方塋域按朱章邨今無此名矣碑在縣南宋家莊南里許南向高七尺寬三尺五寸螭首仆地碑題爲顯親示後

之碑字徑七分碑陰世系有重孫黑兒山兒等名又有



幾姐幾姐夫姑夫字

陳玉先塋碑 至元二十四年宋革撰正書其畧云世居郡西二十里無忌里塋域在住宅西南二里碑題與鄭氏碑同高六尺一寸寬三尺一寸五分字徑八分在今無忌集西西向螭首龜趺碑陰宗系剝落過半

嵇均墓碑 碑已斷合而讀之僅缺數字字徑寸正書在縣西嵇家疇東高闊與陳氏碑同至元二十八年立亦宋革撰按已上三碑辭多鄙俚至稱陳氏先人爲鄉原殊不可曉然里居兆域足供考據且三家固非名將載史冊者而數百年後借以不湮歐陽公云託於文字



者可以無窮彼武人乃有此遠計矣

潘榮先塋碑

在縣東三十里瓦店東北南向高六尺

四寸寬二尺八寸石聲清越或呼響石碑臨路側愚民呼爲奸臣碑過則擲石擊之堆石沒其半身字近趺者撥石讀之可辨者百有奇可句者五行其西有乳羅山第十二行四曰潘榮妻乃孫氏末一行百戶潘榮立石字徑八分許八分書年代不可考其文似亦出於宋革

密州重修廟學碑

至元二十五年宋革撰正書碑已

斷在大成殿東偏仆地合之猶可讀高可六尺四寸寬



二尺九寸字徑寸學修於二十三年時州達魯花赤要難又三年代者也先立碑

重修廟學碑 至元二十六年宋革撰正書高二尺四寸寬二尺六寸字徑六分嵌戟門壁上南向先是要難惟修殿廡未及門垣茲也先復增修之

超然臺詩石刻 詩二首一商琥過超然臺懷廉訪仲璋作一廉訪石公按部勵學者作至元二十九年知州孔治刻石高尺四寸寬二尺六寸字徑寸五分正書嵌臺上西廂壁閒明以後人詩刻嵌壁者甚多不具錄

密州三皇廟碑 至元三十一年登仕佐郎孔顏孟三



氏子孫教授張頌撰密州儒學正朱熙載正書秘書監丞楊桓篆額高六尺二寸寬三尺一寸字徑寸二分在今南城關帝廟前西側東向時知州孔治

密州重修廟學碑 至元三十一年其畧云吾夫子五十三世孫曰治以至元壬辰知州事治學宮翼以東西齋起垣屋以居師儒奉議大夫國子祭酒楊文郁記承務郎監察御史楊桓篆額并書丹學正龔履簡立石高七尺餘寬三尺四寸八分書字徑九分在明倫堂前東側西向碑陰鐫文廟周圍地界

重修烽火山三朝大王廟碑 元貞元年龔履簡撰縣



吏李侃正書其畧云東武烽火山神雖未載於祀典實有靈德以信於民至元癸巳秋旱縣尹商世榮率部民禱焉越翌日霑足迨往謝四顧荒涼惟週圍石牆而已慨然以修葺爲己任耆德史用戚成等翕然助之經始於明年七月至十二月落成碑在寺前東偏西向高三尺六寸五分寬尺七寸五分字徑八分按烽火山神至明始入祀典見成化十四年知縣章倬重修廟碑而亦沿三朝大王之號稱名蓋不可解也

董女法玉葬親碑 大德元年臨朐教諭完顏讓撰未詳所在事見列女傳



言城縣志卷之三  
雙門神祠碑

大德二年學正

缺姓

朝宗撰教諭徐士龍

正書碑高六尺七寸寬三尺字徑寸一分嵌雙門之東  
偏南向字多剝落

密州勅塿賢像碑

大德七年太常博士李之紹撰翰

林直學士少中大夫知制誥同修國史劉賡正書并篆  
額密州學正劉思恕立石高六尺三寸寬三尺一寸字  
徑八分在大成殿前東偏西向時知州卜元英

上清觀碑

至大元年儒學教官王麟記本宮林道榮

正書觀在縣西南菴上莊之東碑在觀門外西向高七  
尺一寸寬四尺六寸字徑寸二分碑陰書本觀道衆宗



派姓名

楊氏先塋碑

在縣西北五十里宋哥莊西二里南向

高五尺一寸五分寬尺六寸五分字徑六分正書無年

月文有云時完顏氏沒兵革相尋曾大父幼依邑尹房

姓者末云同知密州事孫男仲益等立石右側云永思

林記鄒平縣

字缺

宗文撰文密州儒學教授馬斌書丹左

側鐫周制國民族葬昭穆圖碑陰世系其下多鐫小字

毛兒狗兒等如鄭氏碑

儒林郎同知密州事楊君墓碑

卽仲益也字子勉碑

在前碑南墓前南向高四尺七寸寬二尺五寸字徑八



分正書前翰林院國史編修官兵農

字缺

撫司經歷姚紱

撰門生張耀書丹按二碑無年代以官稱及文義攷之

碑云自宋金迄於元歷年三百世爲密族前碑世系仲

益名在第五世則仲益乃元人倅本州者又據前碑完

顏氏沒等語推之宋理宗端平元年甲午金亡後二十

年景定五年甲子理宗崩時元世祖至元元年也而墓

碑紀年歲在屠維作噩終元之代惟武宗至大二年爲

己酉碑豈是歲建與

重修福勝禪院碑 至大四年慈濟弘辯大師講經論

主守恩撰文劉仲源正書碑在昌城東福勝寺前橫卧



南向高五尺七寸五分寬一尺五寸字徑寸碑陰亦有  
宗派圖

密州學碑 皇慶二年九月大學士劉賡撰時初加孔子大成至聖文宣王號詔郡縣咸刻金石也碑陰載學田畝數見建置考碑亡據前志錄之

海公戒師塔銘 在廬山寺西北隅西南向石高如堅公塔字大如演公塔

恩公講主塔銘 在廬山寺西隅南向製與海公塔同並延祐五年建

重修興國院碑 延祐七年本社賈悅陰陽提領張瑛



撰楊明道正書寺在宋哥莊西久圯碑仆荆棘中斷爲二高五尺寬二尺六寸字徑寸文甚俚

超然臺三大字石刻 正書字徑尺用柳氏法旁署泰定二年中議大夫山東東西道肅政廉訪副使汲郡王筇書今嵌臺之前面者也

丁鑑先塋碑 泰定二年益都路儒學學正稽宗代撰益都路總管府判官于濫正書高五尺六寸寬三尺字徑寸許在縣東南大莊寺西墓前南向

重修大成至聖文宣王廟碑 至元三年奎章閣承制學士李洄撰并八分書碑高六尺六寸寬三尺字徑九



分在大成殿前東偏南向時知州事張仲德也

重修超然臺碑 碑亡至元四年楊仲誠撰文云真閣

承務來監是郡暨太守國奉議集僚屬出俸資增其舊制前志云仲誠隱士也

常山感應碑 至正四年密州儒學正張恕撰同知密州事張思祖正書時州達魯花赤奴婢也碑在常山祠前階東西向寬一尺七寸五分下爲土掩剗土拓之完好不缺一字字徑六分許甚佳

常山神感應碑 至正九年益都路日照縣主簿郡人劉惟敬撰并正書時密州知州黃濟也碑在常山祠前



階東西向寬二尺三寸五分下爲土掩字徑八分

前益都路密州達魯花赤直閭公去思碑 紹興路蕭

山縣漁浦巡檢王之元文并正書至正九年郡人邸世明等立石嵌今縣治儀門西壁上南向高二尺四寸寬三尺七寸字徑六分已撫其文入宦績錄直閭卽其名而稱公以致其尊崇之意元碑多此例也

密州重修廟學碑 益都路高密縣尹兼管本縣諸軍

奧魯勸農事秦裕伯文益都路同知莒州事黃翔正書其畧云大梁黃侯濟以守令選於密下車之初首延儒宿高彥元以主講席學之南官有廢地若干畝闢而爲



園以藝蔬供諸生膳田在籍而未墾者悉經治之殿堂  
門廡聖賢之像籩豆簠簋與凡執事之服昔無者今皆  
有焉又哀積經史諸書五千餘卷同僚之相其成者達  
魯花赤哈散判官李塔失帖木兒吏目吳中立至正十  
年四月諸城縣儒學教諭權密州儒學事陳公諒立石  
碑高五尺四寸寬三尺字徑寸在大成殿前西偏東向  
所購密州士大夫書籍一百一十部總一千五十三冊  
計五千二百三十三卷書名皆鐫之碑陰今備錄之以  
存故事周易注疏周易程朱傳部二周易句解書傳部二詩  
傳部二春秋左傳部三春秋胡傳春秋釋義集傳春秋直解



禮記集說二禮解禮記解孝經句解部二孝經酸齋解九

經意林六經直音四書集註部六四書纂疏四書集成四

書發明四書通部二四書通證四書演義大學衍義山齋

講義周子太極圖說部二近思錄小學解部二小學集成文

公家禮三書附錄集疏資治通鑑部二通鑑綱目部二通鑑

紀事本末通鑑發明通鑑節要通鑑陸狀元集註部二通

鑑詳節讀史管見歷代指掌編通典通祀輯畧名臣事

畧君臣故事春秋釋奠禮樂圖漢七制唐三宗禹貢廣

記豐水志東甌志紫陽先生東遊記陸宣公奏議陸宣

公文集昌黎文集歐陽文粹山谷文集包孝肅公奏議



晦菴年譜晦菴文集石湖文集渭南文集上齋文集楊  
素庵文集梅溪後集東坡詩集簡齋詩集竹溪詩集孟  
四元賦文選古文集成皇朝文鑑唐百家詩唐詩鼓吹  
嚴氏詩輯五音廣韻詩韻大成古今韻會詩苑叢珠詩  
宗押韻二部事文類聚山堂考索翰苑新書錦繡萬花谷  
三場備用啟劄青錢農桑輯要輿地要覽萬卷欄江網  
指蒙八十一門指蒙九十門狄梁公碑字一帖書譜碑  
字一帖

明洪武十五年卧碑 正書嵌明倫堂東間北牆南向  
龍馬頌 祭酒胡儼撰其文云欽惟聖皇在位德備中



和至治馨香格於神明是以天不愛道地不愛寶體信  
達順瑞應駢臻乃若景星慶雲甘露醴泉麒麟騶虞白  
鳥元兔神獅瑞象嘉禾芝草諸福之物不一而至百僚  
尹庶莫不爭先快覩形之咏歌矣茲者龍馬產於諸城  
之清水潭肉鬣鱗臆赤鬣龍鱗昂首而青雲氣逸日炯  
而紫電光生色逾蒼土尾若流星形狀非常誠古今之  
靈異也有司效貢登進於朝實爲嘉瑞臣謹按易經之  
文乾爲天爲良馬蓋聖人有天德故獲天瑞此感彼應  
豈偶然哉臣不勝慶幸謹拜手稽首而獻頌曰房宿之  
英蒼龍之精儲祥毓慶龍馬實生方其生也霧縠雲蒸



百神效職天宇清寧甘露灑空海波不驚肉駿麟臆蘭  
筋玉質赤鬣紛敷龍鱗潤澤舉首一鳴萬騎屏營日若  
紫電尾若流星不資牝牡神化流行非常之狀實惟天  
成日行萬里昭德之貞其來貢也爰自諸城天門日麗  
仙仗風清振勒噴玉搖珂鳴金驍騰輕褱超絕古今以  
備乘輿和鸞雍雍燦若負圖羣龍景從飛黃吉光軒后  
用章渥注滇池漢道以昌昭茲神駿太平之應由皇之  
德與天地並天錫之瑞惟皇之慶乘龍御天光嶽氣全  
皇圖鞏固於斯萬年播之聲詩金石永宣按明史永樂  
十八年九月諸城進龍馬羅汝敬獻龍馬賦卽是年也



前志作宣德三年誤相傳此頌嘗刻石於清水潭上久  
沒於水

謁先賢子長祠墓詩序碑 弘治六年山東按察司巡

海御史西蜀趙鶴齡撰其文云余巡海至諸聞有先賢  
子長祠墓在城西北四十里許敬備牲醴往弔焉詣祠  
行禮畢問墓所在縣令馮傑進而謂曰本祠像位下卽  
墓也余甚不樂恐其祠久遠不測及或乏賢令興後無  
冢可指殆將泯沒必須移祠堂於墓前培土成高冢植  
樹木於其上仍增置左右廡門樓牆垣俱完固舍廟戶  
二以看守依時祭祀庶先賢之墓得爲古墓林樾將及



天地相爲悠久而後人亦有所瞻仰矣馮令由名進士  
素有志而欲爲以余言有協遂慨然專任其事委縣簿  
芮元善督工元善乃左都憲芮公釗石陵之孫亦詩禮  
傳家者也均唯曰旣承命當不日而成也余因喜漫成  
一律因記其時之事云右序在詩後皆草書詩不錄碑  
在祠前東側西向公治祠墓修葺之可考者始此  
重修高密侯公治子長祠碑 正德十一年知縣韓肇  
撰縣丞郭郊行書在祠前西側東向時任其事者莒民  
輦宗玉也宗玉竟以此而傳

超然臺專祀東坡記 嘉靖元年棠陵方豪撰正書在



言城集卷之三  
三  
超然臺上事見古蹟考

程子視聽言動四箴碑

范氏心箴碑  
嘉靖六年御註正書嵌敬一亭壁心箴  
已泐其半

重修常山雩泉碑  
嘉靖三十年吏部郎中安邱黃正

撰正書時知縣祝天保碑在常山蘇公祠址東西向

儒學剏造祭器碑  
嘉靖三十年教諭王應斗撰正書

嵌明倫堂西壁東向

怪石銘  
其文云一卷之石千仞之精靜而能壽惟吾

德貞石玲瓏字鏤其背八分書署密坡侯子蓋廷柱也



在李文駒易安園中

重修城隍廟碑 萬歷十三年縣人邱樞撰正書其文云天下之吏治其與民最切者莫如郡縣之守令而郡縣之神載在祀典者多矣其與民最切者亦莫如城隍之神蓋嘗考之於古在漢史則神農之教有石城十仞湯池百步此城之所由始池卽隍也而尚未見有隍之名在易則泰之上六城復于隍此城與隍兩見之所由始而猶未嘗合二字而並言之在梁史則馮道根戍阜陵修城隍此二字並名之所由始猶未聞有禮之以爲神者然有城隍則必有神以主之有神則必有廟以祀



之唐李陽冰縉雲城隍記謂祀典所無惟吳越有焉然  
李德裕之於成都建城隍祠張說之於荊州張九齡之  
於洪州皆有祭城隍文則不獨吳越爲然吳之蕪湖建  
城隍祠齊之慕容燕梁之武陵王皆祠城隍神則又不  
獨唐爲然蓋祀典之所由來靡得而稽云而天下郡邑  
徧祀城隍實自唐始乃陸游曾言之矣其在今日則禮  
尤隆重每歲同祀於山川者二獨祀於厲壇者三新官  
莅任必先謁神與之約誓務陰陽表裏以安下民社稷  
雖尊祇以令式從事一切祈禳報賽獨城隍焉是詣而  
民間乞靈訴枉設誓結盟亦罔不奔走呼籲凜凜焉而



不敢豈非以協贊幽明照察善惡而其氣類潛通與民  
最切尤非他神元遠者比哉吾縣治之西偏近西寧門  
稍南城隍廟在焉何年創始何人繕修俱無志可考簡  
陋相沿規制未備而又歲月積久漸就頽靡隆慶辛未  
都人士趙侯以名進士出宰吾邑下車之始入謁於神  
周視堂宇慨然有更新之意逾年政善民安百廢咸舉  
乃剋日鳩工命義民徐芹宋遷張方黃世雄韓性臺正  
寶鐸輩督修之縣之二長學之師儒鄉之大夫士通邑  
之吏若民各捐金以佐工費於是廟寢二殿東西兩廊  
悉撤其舊而新之設榻塑像細大不遺金碧丹青煥然



奪曰爲門者三重爲垣者四周爲香火池者三爲鐘鼓樓者二仍剏土地神祠於內門外之左方大門外復屏以壯其觀焉過者快覩入者生敬經始於乙亥三月至六月而告成費幾三百金蓋廟貌新則一邑之風物宜亦一變而新矣邇來水旱相接邑里蕭條且民風日偷巧詐百出此誠下自作之咎而神亦若漫焉不復訾省然者一方之保障司命攸歸豈遂無憫念於斯人乎然幽而爲民之主者神也明而爲民之主者吾邑諸賢大夫也廟貌不新則吾民無所瞻依治化不新則吾民將何所怙恃海國瘡痍蓋不必遠而徼福於神而撫字有



人父母孔邇是卽一邑之神明矣今趙侯行已八年所  
而遺愛猶存繼今以往歲月無窮而賢豪不乏安知遂  
無接響而鳴聞風而起者耶然賢大夫之去來無常而  
民心之至愚而神者則亘萬古而不泯人知鬼神之爲  
神而不知人之心亦各自有神鬼神有此神則人心之  
神自有以感之而無不通人心有此神則鬼神之神自  
有以應之而無或閒是故福善而禍淫者鬼神之英靈  
也人所不能逃者也欲善而惡不善者人心之虛靈也  
人之所不容昧者也苟立身行己少有戾於神明必且  
自戾於其心則雖修齋茹素以積其誠舍身燃臂以甘



其苦瓊樓玉宇以極其崇奉祇足以誑俗而終不足以媚神況區區捐銖兩之財效尺寸之力而遂欲藉此以希非望之幸所持者狹而所求者奢能無絕淳于之冠纓哉書曰作善降之百祥易曰積善之家必有余慶吾不能無深望於鄉人矣碑在城隍廟前階東西向

重修社稷壇碑

重修風雲雷雨山川城隍廟壇碑

重修八蜡廟碑

重修邑厲壇碑

已上四碑皆陳燭撰今惟風雲雷雨

山川城隍廟壇碑存焉正書在縣二門外東側西向



張敏墓碑 萬歷九年季男世則撰正書碑在縣東北八里黃疇東嶺文甚質而慟

重修儒學碑

萬歷十年翰林院編修臨朐馮琦撰陳

燭正書時知縣李觀光也在明倫堂前西向文載琦宗

伯集中

知縣趙公德政碑

萬歷十四年五月齊河房守士撰

其生祠在西寧門月城內圯久矣碑亦失所在事見宦

蹟錄

重修儒學四祠碑

萬歷十五年陳燭撰侯廷柱正書

其畧云丙戌春當天下朝覲大計羣吏諸城令遂以調



簡去故事凡邑令缺攝事卽遴於其佐不得遴於其旁  
邑佐無已而邑庠博士並得遴及若郡僚諸大夫南面  
屬令長跪白事唯謹諸大夫故稱尊重於受攝邑事名  
以位抑率不屑就而郡法曹又多出明經高第尤稱清  
望且亟從事直指使者左右典刑名無暇卽暇而亦惡  
可溷以攝邑彼不之屑視諸大夫滋甚乃茲邑屬調簡  
令去後獨得本郡節推王公來攝邑事豈非難哉陳子  
曰嗟夫凡今奉檄稱攝事者槩可觀已心無急公而異  
視其地與事偃蹇傲睨若無與然崇觴高枕日鏤其章  
組目營營望其人至畀之幸亟脫去而不然者卽亡論



封殖亦多操切無當急期會程簿書矜炫虛聲而無尺寸樹立實效不思代匱也者卽代終者也而若此其可乎公至視其身若令不爲屈視邑事若其郡事不爲不屑且厭宵燭朝暾懃懇在理而意念所注尤以敦崇教化厚學校爲急嘗造學宮徘徊於啟聖太公名宦鄉賢四祠之間見其圯廢爰出贖帑庀材鳩工皆爲鼎建不逾月而四祠共一十六楹輪奐維新足稱公意於戲偉矣公諱道增別號嵩淮河南潁州衛人庚辰進士按燬言攝篆之弊可謂詳切故節錄焉碑在崇聖祠前東向重修廟學碑 萬歷二十二年張世則撰陳燭正書時



知縣楊天民也碑在靈星門內西階東向

重修公冶子長墓祠碑

萬歷二十五年五月巡撫江

西都御史安邱馬文煒撰陳燭正書其文云去古密州西四十里蓋爲先賢子長故里土人曰長之佳城在焉漢書稱長墓在姑幕城東南五里今按一統志姑幕城在莒州北境而莒故與諸城接壤據其道里方隅儻亦卽此無疑也舊故有祠祠之像龕後卽爲墓土人蓋於墓前起祠云我朝弘治初憲使趙公巡海上弔古詢蹤殊不滿之謂得廟貌而失邱壠久之先蹟殊將湮沒不傳而桑梓景行者亦何所動其松楸之想乎於是移祠



堂於墓前壘土成高冢樹木其上又於祠增置左右廊  
廡甃以門樓繞以週牆設廟戶二以歲時奉香火不闕  
逮今磨之貞珉者猶隱隱可爪苔垢睇眎也任昉有言  
旣絕故老之口必資不刊之書趙憲副表章前賢俾芳  
蹟弈世不朽亦可謂子長之忠臣矣但弘治距今上紀  
年又百餘歲所其不勝風雨可知也欽圯灌儻止一隆  
碣可諗爾皇皇肯構固里人之宜然乃託道人李全經  
廟主齊維峯募衆糾力庀就其事始於青陽訖於朱明  
捐搢拮据苦矣而故址燦然改觀若突創者於是其走  
吾邑孫生所而請曰趙公之碑漸漸就蟲蝕近蝌蚪書



將厭目不辨今日之事亦踵趙烈而起也安可不令名  
公鉅卿知也明日孫生來述其事且徵余言余笑曰昔  
齊州閔子墓祠得蘇樂城之文而其勝愈紹余將爲樂  
城乎哉夫子長以聖門高第且乘龍焉其賢可想魯論  
埒行於南容蓋不爲無據然猶耳食爾至其讀書處卽  
今吾邑之青雲書院山余嘗覽勝登眺獲寓日焉環峯  
聳翠庭松毅然風清雲白時時出沒几席閒子長精爽  
彷彿見之雖其行事不數槩見睹其勝想見其人必清  
素不羣者矣逮余持節荆楚開府江右所過之邑往往  
層構疊宇排列空際蓋浮屠老子之宮緇衣黃冠之區



也繫吾鄉禮義源藪賢聖所都假令先喆生當其地不能廟食百世於其里曾不得與梵刹並亦安所貴賢士之鄉人也第彼之崇供於廟將飾錯綉楹肖而面貌乎抑想像其惠容數數冀其神交也將高其封鬣蕃而林麓乎抑對其神邱藉其靈陰起高賢於九原也不則所爲口碑之者悉虛爾何藉余言爲矣彼里人自慙當何去何從因與以相勸勉焉碑在祠前東側西向

邑侯楊公德政碑 萬歷二十五年張世則撰在白玉山乾隆二十八年知縣宮懋讓移置二楊公祠前東側西向



邑侯楊公生祠碑

萬歷二十七年縣人臧惟一撰陳

燭正書在二楊公祠前東向二碑皆謂天民事績詳宦  
蹟錄

重建琅邪臺祠碑

萬歷二十七年張世則撰正書時

知縣顏悅道也碑在祠前西向

勅建後蓋公堂碑

在縣治內東倉側南向萬歷二十

七年陳燭撰臧爾勸正書其畧云宋熙寧八年眉山蘇

公軾來守密州作蓋公堂世遠湮沒迄我皇明萬歷乙

未魏博顏公來尹吾諸明年乙亥春乃於縣治內舊東

廩左隙地除治之繚以週垣闢以重門中爲堂三閒亦



以蓋公名之堂下列植槐柏堂之規制不知與蘇公所爲者何似而名堂懷蓋則兩公之意一也且曹參相齊之時劉項雌雄方決瘡痍未起呻吟憔悴之民所宜安養休息而不可更動之以重其困平陽固鑒之矣故相事一切不治而於欲進言賓客輒醉以醇酒使之竟不得言而去宋相王安石曲學執拗錯認六典新法一行海內囂然喪其樂生之心是時蘇公去國由杭移密覩諸條例開闔動搖應不勝其扼腕也邇來武弁宵人熒惑主心銳意括利鑿山權市宇內殆徧中使忿出得操白簡以繩有位守令往往被逮下詔獄蔽罪民方重足



而立莫知所底顏公負用世之志能無戚乎蓋三公所  
邁皆乾坤勞擾之秋求清靜而不可得曠世相感其用  
意皆深矣不然彼蓋公者直一山澤之癯其言雖合要  
亦老氏之餘唾耳三公乃屑屑如是也豈不遠哉堂經  
始於是年二月再閱月告成

王梁墓表 南京兵部尚書益都邢玠撰太僕寺少卿  
臨邑邢侗行書在縣東北二十五里柴埠營無年月字  
完好

荆建文昌閣碑 在閣前西向萬歷三十一年翰林院  
修撰益都趙秉忠撰陳燭正書時知縣王之臣也燭所



作石建靈星門賦亦此時事刻石在戟門下南向按秉忠此記嶼山集中不載秉忠又嘗有琅邪歌贈顏明府碑刻甚鉅行書徑二寸許顏名悅道其與燭輩登琅邪臺唱和詩咸刻其陰與後蓋公堂碑並峙

邱樛墓表 萬歷三十五年刑部尚書濰縣劉應節撰正書在墓前南向墓左爲雲章墓有小碣鐫樛哭兒文毀爲碎石矣西南爲雲肇墓李澄中爲雲肇立嗣碣在其側亦毀無存

臧惟一詠德碑 萬歷三十六年張世則撰集顏魯公正書在儒學門外西向惟一爲德於鄉人甚厚卒後土



言切鼎志一五  
庶爲立此碑述還婢釋盜助振事甚悉

五蓮山光明寺碑

萬歷四十年禮部左侍郎翁正春

撰吏科給事中張延登行書在寺大門內東偏南向

顏侯生祠碑

萬歷四十一年縣人王化貞撰行書在

琅邪臺上祠久圯事詳宦蹟錄

董文敏尺牘石刻

縣人王斂福家所藏其跋云承乏

雲間參戎王履齋出所藏十餘紙見示因屬名手鈎勒

石本乾隆十年三月也石共六枚皆高九寸寬一尺許

行書

重修五蓮山光明寺碑

卽萬歷四十年碑下截崇禎



元年翰林院侍講長洲文震孟撰葯園逸史文起行書  
重修學宮碑 崇正三年縣人呂一奏撰臧爾令正書  
時知縣王懋學也在啟聖祠前東側西向

草訣歌石刻 崇正三年長洲文徵明集呂一奏臨石  
今在城內王梈家一奏嘗有古諸勝蹟石刻圖畫題跋  
皆工石失所在

國朝重建縣大堂碑 順治二年知縣程汾撰并正書  
在大堂西間東向其末云偶得一識古歛之建雲鷺而  
毀火入木中於斯知類并錄之不知其何謂也

建縣三堂碑 順治七年知縣高瓊撰并行書在二堂



西間東向

順治九年卧碑 正書嵌明倫堂西間北壁南向

重修學宮碑 康熙二十三年知縣孫祚昌撰縣人孫必振正書碑陰鐫分修者名在大成殿前東側西向是後乾隆十一年修學宮工費十倍於是繼以十一年十二年大饑未及立碑

御製至聖先師孔子贊碑 康熙二十五年勒石

御製顏子曾子子思孟子贊碑 康熙二十八年勒石

二碑並大學士張玉書正書在戟門前南向

重修城垣碑 康熙二十九年知縣馬翀撰其畧云自



七年戊申夏六月山東地大震城郭廬舍盡壞越數年  
朝議設銀四萬兩爲諸邑修城計其時適以河工浩繁  
將所議爲協濟計而修城之議遂寢至二十四年

詔天下各郡縣有城隍之壞未築久未葺者令重新之  
余承乏茲邑催築之牒飛馳羽下於是遍告邑中多方  
勸諭併爲設法措置而邑中紳士編戶羣相鼓舞擇日  
鳩工是時監役巡檢湯綸典史高得泰同心協志曉夜  
巡視以勤惰爲賞罰自八月初旬始迄九月中旬止碑  
正書在東城門樓是年並修超然臺亦有碑

御製訓飭士子文石刻

康熙四十一年頒行正書在



言城縣志十五  
戟門外西偏南向

重修超然臺碑

康熙六十年知縣羅廷璋撰行書在

蘇公祠東楹下

重修縣大堂碑

乾隆十五年知縣牛思凝撰并行書

在大堂東間西向

重修公冶子祠碑

在祠西階東向乾隆二十七年知

縣宮懋讓撰縣人王開勳正書其畧云公冶子長墓前

有祠三楹旁有祭田百畝由來久遠余於乾隆十二年

查振來諸時振務旁午常以未得親拜墓下爲憾迨壬

午夏承乏茲土乃諏日椎牲肅奠墓下而環顧祠宇土



雨旁風幾無障蔽於是向之憾未得至者至焉而憾滋甚夫以先賢邱壠之遺而聽其闕然就敝斯亦守土者之恥也爰於莅任之始捐俸鳩工新其棟宇週以繚垣并於祠之西偏建屋三楹以爲齋宿之所計始於七月甲子至八月丙申而成雖然余又懼成焉而不可爲繼也祠旁祭田奉祀者止有空名余督吏清其疆畝牒歸儒學進黃君冕甄君槃而告之曰田之租稍助清俸歲出其半以備春秋兩祀之費以儲此祠修補之資余因勒石誌焉繼自今此田永存卽此祠不廢卽此墓常新則所以妥先賢而光祀典者余與後來君子其皆可以



無憾矣夫

重建常山蘇公祠碑

乾隆二十九年知縣宮懋讓撰

王開勳正書在祠大門內東側西向

各牌坊刻文

牌坊亦石刻也惟明爲盛縣科第仕宦

建坊皆在城中鄉曲無有也今存者二十有三縣治前大街有張世則坊建於萬歷十年其官給事中也又南爲翟鑾坊大宗伯也又南爲侯廷柱坊建於嘉靖四十一年亦給事中也又南爲封主事丁惟薦進士丁自勸坊建於萬歷四十七年父子也又南爲陳燭坊建於萬歷二十八年又南爲燭父良相坊建於萬歷六年以燭



贈郎中也又南爲贈知府王隆知府王梁坊建於萬歷二十一年亦父子也又南爲臧惟一坊建於萬歷十三年又南亦惟一坊建於十五年備載所歷官也又南爲王侍坊解元也又南爲總兵王良相祖達父承武坊誌誥命也又南爲良相坊也東市有邱樾坊萬歷十三年建又東爲樾父讓坊以樾封也又東爲父子經元坊樾及子雲章也西市有李士魁李相李旦坊建於萬歷二十七年恩綸也世科也郭街東有封御史丁純坊嘉靖四十四年建郭街西有臧斐臧節臧惟一臧爾勸臧爾令坊又西爲節坊建於萬歷十五年又西爲爾勸坊也



坊在東關者弘治辛酉舉人侯璧也在西關者邱氏世恩坊曰讓曰櫛曰桴曰雲章曰雲嶸曰雲肇曰志充也又有胡應參胡來進坊應參贈知縣來進萬歷丙午舉人也凡坊不紀其年者字泐也其科第則中式之年卽建坊年也其不存而載於前志者臧哲有晝錦坊休沐時作也邢潤有進士坊洪武戊辰也劉義有奪錦坊正統辛酉也郝正有登第坊成化乙酉也王毅有光裕坊弘治壬子也已酉壬戌王雲之坊二曰經亞坊曰進士坊也正德庚午李宗有坊曰旌賢也黃閣輔臣坊清宮太傅坊皆翟鑾也已上皆在大街東市有邱櫛青瑱名



臣坊西市有丁惟寧豸繡坊嘉靖四十四年建張敏宸  
翰旌揚坊萬歷二十三年建郭街有張讓桂芳坊正德  
癸酉也凡十有四坊也坊之相距也無可序序之以年  
代也今坊圯而址僅存者八不知誰屬也其餘并址無  
之也嗟乎自明迄今不過二三百而坊之傾圯湮滅  
者已若此而人之可傳者雖無坊固未始不彪炳史歲  
也昔寧陵呂坤疏陳建坊之害謂斂千家之怨侈一己  
之榮痛哉其言之也然終明之世未革斯弊至  
國朝而後革之亦節用愛人之一端也明成化時知縣  
閻鼎建石坊十見宦蹟錄而前志所謂八坊北城二東



市曰牧愛西市曰甸宣南城三大街曰迎暉郭街東曰明教西曰宣威東關曰皇華西北關曰迎恩西南關曰政清政清迎暉無可考而其餘則縣所建十坊之六也今縣治前有承流宣化坊學宮前有大成坊卽儒林坊南城大街有鎮海坊此又縣所建十坊之三也其一則行按察司門右之肅綱坊前志已云久圯者也而八坊之僅存者惟明教也超然臺南百餘步有蘇公遺蹟坊康熙六十年知縣羅廷璋建址石也顏木也異於坤所云勞民傷財者矣唯節孝坊則城市鄉曲皆有之見總紀及列女傳故不錄



金石考下第十三



卷十二







